

四庫全書

史部

欽定四庫全書

史部

硃批諭旨卷二百二十五之十

臣 永瑤 恭校

編修臣 袁謙 覆勘

總校官中書臣 朱 鈐

校對官中書臣 陸 湘

謄錄監生臣 李廷讓

欽定四庫全書

硃批諭旨卷一百二十五之十

硃批鄂爾泰奏摺

雍正七年正月二十五日雲貴廣西總督臣鄂爾

泰謹

奏為恭謝

天恩事雍正六年十二月二十六日臣齋摺家奴蒙

恩賞銀十兩馳驛齎回

御賜臣鹿尾十條鹿肉五方樹雞六隻野雞十隻細鱗
魚四尾廣橙文旦蜜橘朱橘共一簍哈密瓜一圓
紫金錠二千錠平安丸二千九抵滇臣隨郊迎至
署恭設香案望

闕叩頭謝

恩祇領訖敬啓摺扣跪誦

硃批卿三省總督之印乃朕合對卿之年命選擇吉日
良時在養心殿交怡親王監視成造者卿可愛惜長

久用之。事事如意也。特諭卿知之。欽此。臣伏讀之下。
不勝慶幸。不勝惶悚。念臣質本凡材。身叨

殊遇。榮光稠疊。莫可名言。乃以三省總督之印。復荷

聖慈。合對臣之年。命選擇吉日良時。並在

養心殿。交與怡親王。監視成造。臣何人斯。實難承受。
雖

天恩下逮。遍及草木昆蟲。而臣力難酬常。凜豚魚犬馬。
佩此印。惟當時念封疆用一印。惟當時思利弊。愛

惜軍民為三省計長久愛惜精神為一身計長久
事事如意固

天心之眷注實人事之積累也敢不敬畏敢不奮勉至
雍正七年正月十三日臣齋摺家奴又蒙

恩賞銀十兩馳驛齎回

御賜臣

御書福字一幅對聯一幅計歲歲平安節年年如意春
十字黃絛綠珠一盤小黃荷包二箇內貯寶玉金

銀共二十八枚貂皮四十張鹿尾十隻鹿肉六方
野雞十隻蜇鱸魚二尾細鱗魚二尾廣橙文旦鳳
橘朱橘共一簍抵滇臣隨郊迎至署恭設香案望

闕叩頭謝

恩祇領訖敬啓摺扣荷蒙

硃批朕躬甚安卿好麼新年大禧欽此臣跪捧禧字懽

忭無似遙憶

朕自去歲十一月以來仰蒙
殿廷曷勝瞻切臣自臘月以後諸務就緒新年以來

天祖

慈恩諸凡寧帖如川蠻如黔苗如滇獮半已平安論年

歲論風景論民情率多如意皆仰賴

畏之誠實與年俱進不敢少存肆放之念也

聖恩俾臣獲蒙福忻幸之餘竊益深儆惕益

天

道無私神明有赫幽獨自知衾影難假一念之差一事

朕實每作如此想況朕之干係較卿更為重大期共勉

之謬身為大吏將貽害於軍民罪無可逭咎斯誰

之

諉臣每接摺扣准部咨敬繹一切

訓諭惴惴恐恐未嘗不汗流泣下也敢不敬畏敢不奮

勉茲於正月二十一日提塘官姜文瀆恭齋

敕印到省臣率同文武郊迎至署謝

吉祥如意

恩祇領跪聽宣讀謹擇於二十二日午時開用新印並

恭疏

題報在案其紫金錠平安丸臣已酌量分散現今時

此神效妙藥也更好在有益無

損

內皆平和藥味便無病人服之亦不妨者

氣全消官兵半撤所需無多其餘謹貯備用至於

增提鎮之養廉免州縣之虧項俟准到部文臣當

敬謹遵行

天恩浩蕩普遍無遺計數月以來

賞賜逾百萬荷戈持耒額手懽呼臣並不能作感頌語

覽

卿奏謝矣

也謹此繕摺恭謝

聖恩伏乞

聖主睿鑒臣謹

奏

覽

同日又

奏為欽奉

聖諭事雍正七年正月初十日署廣西提督副都統臣

張溥馳驛抵滇臣率在城文武出郊迎接跪請

聖安隨張溥至公館據傳示

諭旨福建副將仇元正人去得已著馳驛往雲南交與
總督鄂爾泰試看如人好或放左江右江總兵若左
江右江現在總兵俱好可留在雲南俟有總兵缺出
補放鄂爾泰可時常教導他此人好用得再左江總
兵齊元輔亦著鄂爾泰試看欽此臣跪聆之下敬詢

起居得知

聖躬和暢精神倍常而萬幾日理不少暇逸臣爾泰感

激微忱與瞻依下悃不禁神愴者久之不必如此我君臣蒙欽奉

天

祖

諭旨將副將仇元正總兵官齊元輔交臣試看伏查左

慈恩

將來歡聚之日必多也留此以為他日驗

江鎮總兵官齊元輔人非庸闇或者習氣未除但

臣未親見

猶不能確知謹當留心試看福建督標

好聰秀鮮明人物朕甚嘉之

中軍副將仇元正尚未到滇俟到日試看再請

旨酌用外廣西地方一應事宜張溥在滇十日於正月

十九日始起程赴粵臣已謹就所知與伊詳細講
論逐一商酌大約先治將次治兵急制內緩制外
賞罰惟信稽察惟勤號令須明事權歸一文武固
宜和衷却不得互相隱諱軍民固屬一體却不得
轉有瞻徇如果營伍整齊兵丁奮勇將既已可用
或並可以不用其粵省將弁半係

聖主簡補之員看其履歷多有勤勞並非庸懦獨以徇
於積習遂致不能自振務當開誠勸勉不可輕棄

人材其地勢險易夷情良頑雖有知聞仍須親歷

據張溥議論與臣意見相同至看張溥之為人謹

好此

人看來是一人物再得卿琢磨加以歷練必是好

慎妥當操守必可信而論事精細且具誠心此臣

提督

所見提鎮中所難得者實竊深忻幸茲正月十三

日齋回臣前摺內荷蒙

硃批前因未聞田畯之故待問卿再定此缺續連接田

畯段宗岳之遺本所以急急有旨命張溥來署理調

用蔡成貴右江今卿既言張耀祖可以勝任俟張溥

到來二人中卿再酌量速速奏聞若張耀祖相宜時
王紹緒聞得善軟不勝廣東全省之任即調用張溥
於廣東矣張溥來時朕亦曾密諭之此人甚妥當卿
試看欽此又奉

硃批若用張耀祖於廣西照卿所請孫弘本調用鶴麗
朕意欲將邱名揚補授臨元卿意如何欽此又臣奏
楊天縱條內荷蒙

硃批此人雖老難得之提督也著實好若不致甚曠廢

將就留用好卿見張漣若與粵西提督相宜張耀祖
備用貴州之任亦可欽此臣看張耀祖老於戎行四

齊蘇勒之逝朕實為惋惜之至總河一任只得調用孔
毓珣尚係老河員但人甚不著實前任粵督亦不過將
就備位耳六年來未見所長原欲更用因不得其人而
不遺餘力張耀祖恐不如張漣就二人而論廣西
既屬臣轄張耀祖可以勝任張漣則勝任有餘但
止今已用郝玉麟矣卿可盤所知以教導勉勵之張耀
祖已用雲南提督矣現在乏人王紹緒不便更調也亦
鎮水陸兼防且聞山藪之區多聚賊盜即市井之

未聞伊劣跡只覺柔懦訪之往來之人多言其柔善器
局卑地亦半藏匪黨該管官弁恐難擒治完結瞻顧考
用者臣郝玉麟往粵時卿可將前勝後緣由備言之並寫字
與王紹緒切加勸勉再令郝玉麟留心訪問試看如有
聖恩以張耀祖補授廣西以張溥調用廣東雖地屬隔
不勝任處著郝玉麟奏聞朕另酌奪可也郝玉麟須
十分教導他不可因已為同列而少回護也
提督之任

聖鑒另得其人請將張溥仍留用廣西張耀祖即留備

用亦強幹之選也臨元總兵孫弘本業於去年十

此人亦可惜了

一月內在行營病故臣聞報之日即差守備一員
持銀三百兩先為料理後事其扶柩歸旗之費臣
已著賞卹矣
仍獨任料理斷不令有缺欠已將病故緣由具疏

題報在案查臨元一鎮為雲南最要缺如蒙

早有旨矣

聖恩將邱名揚補授洵屬人地相宜再楊天縱實係好
提督臣與共事三載同心合意相與有成獨以患
目日久不敢不據實奏

聞在楊天縱雖年已七十四精壯如常辦事無誤即考

好

驗一事臣早不時留意亦不致曠廢之甚也合併

陳明統乞

聖主睿鑒施行臣謹

奏

覽

同日又

奏為欽奉

聖諭事竊臣荷蒙

頒發

硃諭二道廣東總督臣孔毓珣奏摺二扣原任廣西提督臣田畯奏摺一扣到臣臣伏讀

硃諭此係田畯之奏發來與卿一笑竟有如此良心何在之論然黔省官兵輕厭粵西兵將見大局已定有心留與伊等為難或亦有之事今總將廣西歸併著卿總督此案卿自有秉公察理之道也隨便發來與卿看欽此又田畯摺內奉

硃批此係田畯未上遺本之前所奏即將此摺留中已
批諭何顏有此一奏之旨如此良心喪盡可發一笑
欽此又孔毓珣奏報八達蕩平一摺奉

硃批此係孔毓珣之奏發來卿看以便採擇料理欽此
臣看田畯八達之舉既輕率於前復畏縮於後初
調常顯虎進取地勢賊情並未籌畫繼見賊勢猖
獗官兵屢敗鎮將紛紛告急而田畯各行惟有務
出萬全一語亦並無調度及聞滇黔官兵將至不

得已親往計柳州至八達不過半月程而匝月始到既到見賊首已戮賊巢已平並不計及賊子聽其逶遁數日之內遂爾旋回并撤官兵僅留兵三百名令遊擊一員駐劄彈壓試思以粵省數千之兵猶不能抵賊時賊勢雖窮賊心未附倘撤兵之後餘黨復聚三百名官兵更何能為據此舉動田識面因侍衛年久科分甚高在軍前人人稱善所以用峻實屬庸材無足置論者也弄高一寨地險人強為廣西提督及至來京一見即知其平常早欲另用而為賊寨之咽喉不破弄高斷不能攻八達廣南前

金鉞

亦甚言其好以致誤用此乃富寧安金鉞之咎然

進山勢險峻為賊寨之屏障但能占奪山頂則踞

朕亦

無所推卸真平常庸材也

高攻下八達斷不能守八月二十八日總兵蔡成

貴既破弄高該寨賊衆哀號乞命而八達之賊亦

願歸順故蔡成貴念義不殺降暫停進取諭令投

誠廣羅協副將楊洪奮勇前進奪取礮臺攻抵賊

寨見黔粵官兵未到故隨踞險劄營暫緩進取而

八達賊衆見滇兵已臨巢穴欲奪路出逃遂直奔

粵路粵兵不能抵敵故致傷亡據田峻摺稱安籠

官兵收回雲南官兵退去竟若一日克取五礮臺
皆粵軍之力而雲南官兵轉似敗退者捫心自問
是誠何顏且所稱平寨鬼亭止兩小寨耳離八達

寨尚遠二十九日夜蔡成貴楊

洪各行密謀火攻

破寨粵營並不能知及至賊寨已平楊洪大樹旗
此朕看伊係一中材御謂何如此但朕之加恩於伊者厚
職粵弁始來會話云此番破寨我們亦曾放火及
或感恩奮勉亦未可知而人原不可限量也雖屬中材
問所燒何寨答云也燒過寨外兩間草房至今傳
然在將弁中亦非落人後者
說以為笑談茲據稱焚僂平寨鬼亭之後賊黨始

懼乃焚大寨夜遁殊不知粵軍大敗之日即克平
寨鬼亭之後無論克二小寨賊黨無所懼即使賊
黨果懼欲遁欲守俱焚寨何為臣前據粵將呈報
見有二十九日夜賊寨不知何故火起等語實不
禁大笑無情之詞遂不覺自相矛盾也至孔毓珣
所奏殊屬公論獨以駐劄遼遠只據田畯之札諸
將之稟故所知仍有未確查遊擊常顯虎為賊所
愚不能破寨咎無可諉情有可原臣前已

但罪

有可原人似大有可用

奏明段宗岳見粵兵懦弱斷不能力取發銀購線極費心力此臣所深知但以數月之久並無聲息滇黔官兵一到隨即殺獻謂盡係粵力黔員不能平惟蔡成貴報文內不與段宗岳聯銜止稱將賊首級移交粵員粵員亦不能甘此係蔡成貴器小不知大體處再段宗岳血氣勇敢人也急欲滅賊苦於兵弱謂其調度疎畧實無所辭若謂其人甚柔此人甚可惜乃在記名上上人員內者懦段宗岳殊難瞑目又安龍遊擊田昌友等奉令

進攻已抵賊寨。粵兵不能前。原非所逆料。傷亡弁
兵。可以情恕。乃自以畏罪之故。竟以賊人恃粵通
同外應等語。通詳。此實係諉飾之詞。大約鎮將之
稟報。俱各有私心。惟當平心合看其事。自明彼此
爭辯。皆未可謂確據也。至於孔毓珣所奏。州牧一
摺。前奉

硃批。聞得劉德健甚是不堪。卿可秉公察究。或調或革。
即酌量一面料理。一面奏聞。欽此。續奉

硃批西隆州知州劉德健前經有人叅奏故有前諭今
又據金鉷奏稱劉德健乃係出色好員十分保薦似
此毀譽難憑用人之苦不可勝言矣其該上司如此
嘉獎必有確據朕已諭伊向卿言之也卿可叅酌察
訪秉公料理又

諭此諭書畢劉德健故本題到因有前諭閒發來看欽
此臣查廣西之西隆州地方與雲南廣南府接壤
又於黔粵分界案內經臣

題請將西隆江北之五甲已割歸貴州故凡該州情
事臣半得與聞初八達寨之舉非田峻本意實啓
釁於劉德健既而八達橫肆方難剿除而劉德健
又聲言欲滅泥崗以致泥崗附賊後并土黃以及
各寨無不附賊者西隆幾不能支而劉德健並束
手無策續八達既定有投誠土目等聯名具呈訴
告劉德健劣蹟臣因隔省未便審究僅取供備案
移知粵省大約孔毓珣所奏多係實事此三省在

欽定四庫全書

廟制篇七

卷一百二十五之十

事文武所合口一詞者也據臣揆度劉德健諒非
好員但撫臣金鉞既十分保薦伊自有確據臣未
事已往矣只得以疑功論耳

知劉德健之平素亦未敢即以人言為信也八達

寨一案雖提鎮俱已病故應無庸議而事情原委
仍須查明臣現已檄行查報統俟赴黔回滇各案
卷詳送到日臣再詳加叅酌秉公料理據實奏

聞合先覆

奏伏乞

聖主睿鑒臣謹

奏

可謂大公至正之論

同日又

奏為報明勦撫丹江一帶生苗就緒情形仰祈

睿鑒事竊照陞任貴州按察使張廣泗統領官兵開闢
生苗地界八寨等處俱經就撫小丹江一帶業已
攻破經臣節次

奏明在案茲據遊擊史應貴呈稱卑職帶領官兵在
烏耶關口固守十一月二十一日黎明有逆苗千
餘前來對敵卑職令官兵施放鎗礮打敗二十二
日逆苗聚集復來被卑職四路伏兵齊起用鎗礮
打死數十次日逆苗復聚千餘三面進敵卑職領
兵堵殺官兵奮勇打死逆苗無算據副將蘇大有
稟報十一月二十四日張撫院同卑職移營至小
丹江有賊苗千餘四山吶喊撲近前來卑職率領

備弁兵丁力敵追上山梁鎗礮打傷苗賊十數名

賊始潰敗據叅將趙文英等稟報帶兵抵者飛小

此人何如

箐山頭隨有者飛頭人阿駝等赴營求請招安又

有楊烏交歸羊甲黨找達石硎爽快排戛各寨苗民

求撫割具木刻傾心歸順又據副將蘇大有稟稱

十一月三十日有大丹江苗賊千餘從山梁吶喊

直衝天柱營叅將營盤卑職同該叅將率各營弁

兵並定番土兵迎敵乘勢追上坡梁鎗礮藥弩打

傷數十人苗賊逃遁十二月初三日又同率弁兵
攻大丹江甫至附近黃毛嶺兇苗約有二千餘人
於各險峻路口阻截拒敵卑職帶官兵冒險衝擊
鎗礮打傷數十人兇苗奔敗官兵追下坡梁直抵
巢穴卑職連射死兇苗六人衆兵亦殺死十數名
而兇苗從旁施鎗打中卑職左腿穿過卑職勉強
督兵攻破黃毛等共八寨各兵殺死兇苗數十名
鎗礮打死不計其數餘衆奔逃破寨後即有楊排

等八寨畏威割就木刻來降奉張撫院諭大丹江
各寨已破尚有桃繞大寨最兇卑職遵派官兵於
初五日進攻桃繞等寨直殺至巢穴將桃繞大寨
並七小寨俱燒燬據副將張禹此人所如謨稟稱張撫院至
抱得諭卑職分兵兩路攻取囊猛遵撥都司羅資
袞等帶兵由左路進攻撥守備梅先春等帶兵由
右路進攻其餘官兵隨張撫院聲援左路官兵至
囊猛左山嶺苗賊二三百人砌土城拒敵官兵攻

破土城賊苗奔潰官兵追至囊猛巢穴適右路官

兵亦到兩路夾攻火焚巢穴賊苗奔逃張撫院令

卑職往史應貴營內協堵並防範烏耶一帶會攻

房列烏堯以搏雞講隨有楊排雞勇等十餘寨叩

見張撫院咱刀一帶及攻克之黃毛等寨亦約期

前來歸撫據遊擊田昌友報稱奉張撫院面諭同

史遊擊領兵分奪逼近丹江左右要口遵帶官兵

奪上右關頑苗約有數百迎敵大礮打死不知其

數登時大敗下山奪獲關口正在下營頑苗有五
六百人前來爭持隨令官兵一面築牆一面迎敵
苗賊死傷者甚衆十二月初三日奉張撫院令率
官兵下坡打故猺寨未到寨時有苗賊三四百突
出迎敵官兵施放鎗礮打敗當將故猺計隴大小
六寨燒燬初五日奉令同史遊擊蘇副將三路進
兵攻破桃繞大小六寨初十日又奉令同史遊擊
領兵先攻抵筒次打雞講卑職至抵筒由右路攻

焚賊寨又分安南等營官兵由左手搶上山梁燒燬抵筒大小四寨苗賊層集數千衝敵將黃施安南普安官兵壓敗二次陣亡礮手五名官兵奮力攻上頑苗敗走卑職追至雞講山嶺同史遊擊駐劄露營苗賊亦對山駐劄十一日張撫院令鎮遠張副將帶兵前來同開雞講卑職令弁兵齊心努力官兵剛起身時頑苗亦即下山對敵官兵奮勇殺敗沿路拋棄標桿攔牌追至雞講一面迎敵一

面燒雞講五寨苗賊約五六百戶敗入深箐逃避
十三十四兩日始上山投誠割具木刻又據遊擊
史應貴稟稱張撫院至烏耶諭令搶奪丹江大關
口卑職率官兵由中路搶上關口賊苗大潰奔竄
隨同蘇副將等攻克桃繞等寨丹江生苗牽羊赴
張撫院行營求請招安後抵筒寨苗人亦求招安
十二月十八日又有雞講各寨共六百戶俱來行
營投誠張副將帶兵由九股化誨未服數寨又據

如人

黎平協副將李登科黎平府知府張鉞呈報據代

理八舟司事吳弘熙招撫得高婆等大小六十五

寨生苗計二千七百九十三戶人丁五千二百四

十四丁古州司土舍楊枝茂招撫寨稿等六寨苗

民共五百一十一戶人丁四百七十四丁洪州副司

林天錦招撫加兩等四十一寨生苗計一千九百

似此

者皆當大加恩賚以示鼓勵

七十戶人丁六千八百四十丁生員胡俊招撫得

龍早等六寨計共五百三戶七百一十九丁又據

鎮遠府知府

聞得甚好係出格之才未知將來可成

大用

之器否年紀幾何何處人

苗共七寨計四百一十三戶男婦一千四百五十

二名口並招撫得清水江董教寨并九股之陶賴

等生苗共十三寨計五百一十三戶男婦二十一

百八十名口各等情到臣該臣查得丹江雞講生

苗自恃地險人衆不服招撫經新任撫臣張廣泗

調遣官兵分路進剿先克小丹江一帶旋又攻破

大丹江雞講各寨頑苗始各畏懼投誠割具木刻

認納錢糧願為良民現已復業安居丹江等處事
已告竣上下九股亦經就撫清水江一帶節據鎮
遠府知府方顯等稟報向化者已多其黎平之古
州一處雖宣導在先現俱寧帖然地廣人衆兼之
丹江八寨諸凡善後圖維尤關緊要須新撫臣張
廣泗親身布置庶蠹茲苗夷得永沐

聖朝太平之化也張廣泗因有建造土城營房工費等
項回省與署撫臣沈廷正面商昨准沈廷正咨會

新撫料理丹江諸事已經就緒應即交印受事業
於正月十六日移交印信即於十七日前赴雲南
新任今臣俟沈廷正到滇將撫篆移交並將雲南

一切事件詳細告知以便辦理亦即星往貴陽與
張廣泗此番親往安撫當著實詳慎朕意若多帶兵役
恐新撫者疑畏少則苗獠之性又未可深信也與張廣

宣布

泗悉心籌畫為之諒卿未有不念及此者特將朕意諭
皇仁開導安撫總期一勞永逸勿遺後患並將安設流
來若可令屬員代往似覺更妥何必又多此撫臣親往
官營汛諸事詳察妥議統俟事竣另行具疏請

之名也若有必應親往之情仍多帶兵役隨從為是
旨外至駐劄鎮遠之楚省官兵可以不用臣已

題明檄飭撤回再

欽差司業臣牧可登侍講臣春山同赴大小丹江親行

查勘即於十二月初九日回京復

早至矣
命所有一切勦撫情形二臣自能詳陳更無庸多贅謹

此具摺伏乞

聖主睿鑒臣謹

奏

覽

同日又

奏為奏

聞事竊照橄欖壩逆夷不法經臣調遣官兵進剿直搗巢穴克取橄欖壩九龍江大小渡口江壩悉已底定逆夷大敗奔逃業經繕摺

奏明因臨元總兵官孫弘本在行營病故臣隨委楚姚總兵官張應宗署事去後茲據各員陸續稟報

并准提臣郝玉麟咨會宣慰司刀金寶因畏賊勢
避匿猛者地方差弁目前往宣布

皇仁令其出見於十一月二十七日攜帶家口自猛者
起身三十日到九龍江十二月初二日赴提臣郝
玉麟行營投見提臣即賞給銀兩袍帽等項吩咐
云爾乃無罪之人不過為逆夷勢逼逃避如今出
來可安慰各頭目招撫百姓寧家樂業該宣慰一
一認承叩頭感泣於初三日回江去訖提臣仰體

皇上好生之德廣行出示招徠恕其已往許其自新江
壩一帶先後就撫投誠者業有一千六百餘戶男
婦八千一百餘名口現在安插得所其仍有未歸
夷民並查遺存米穀牲畜嚴禁兵役不許擅動計
穀二萬餘石牛羊無數俾各寨夷民歸家仍有過
活其招徠撫慰之方無不備至嗣後十一版納頭
目俱赴營投見聽候差遣獨猛臘一版納頭目因
係刀正彥之死黨伊父前已被擒解省故猶觀望

不前且聞首惡以瞻等俱逃往蟒撾邊界現被堵
住不放過去更須捕緝未便聽其竄匿提臣郝玉
麟已遣提標遊擊施善元帶領漢土官兵一千名
於十二月十八日自橄欖壩起程由猛籠猛慢一
路前進沿途善為招撫密訪首惡踪跡得有確信
即行勦捕毋得株連良善又差遊擊徐成正帶領
官兵六百六員名前往猛臘地方擒捕刀正彥之
餘黨并相機招撫又於大江橄欖壩九龍江三處

搭起浮橋三座濟渡行人業已如市大局已定蟒
國之整鉛有緬文給猛籠叭先云大兵不必進來
橄欖壩的人造反如走到我們地方我們自然拏
解等語看此緬文甚是恭順隨令宣慰司同叭先
照寫緬文令其堵截并云不可容隱一人若容留
住坐大兵進來恐擾及你們地方等語專差持送
去訖諒此逆夷斷難漏網惟須安定人心或不致
煩勞兵力也今總兵官張應宗已至行營提臣郝

玉麟將招撫戶口查存米穀移交張應宗並副將
邱名揚知府遲維璽經理江壩兩處無須多兵擬
留漢土官兵二千五百名餘悉撤回儘可足用茲
准提臣郝玉麟札稱善後事宜雖前有成議必須
與臣面商酌定且總兵張應宗諳練情形自能料
理惟緝拏首兇一著不須提鎮同駐於正月望後
起程赴省俟擒獲首犯安置羣夷并將建立城垣
安設營汛流官等事逐細妥商另行分案

賢可慶者

題報外合將現在勦捕首犯酌撤官兵提臣已經回

省情由再行奏

聞再臣前摺內荷蒙

硃批著郝玉麟前往甚是一到自然成功者專候捷音

邱名揚想今大愈矣欽此又臣摺奏郝玉麟條內荷

蒙

硃批此人可勝督撫之任否欽此臣看郝玉麟明白解
如此則可用矣大概必在孔毓珣之上
事兼識滿漢文雖難言經濟然據臣所見才具似

中材俗漢現今撫臣中為第一劣者不得其人

在馬會伯之上邱名揚託賴

奈何如魏廷珍張坦麟石麟沈廷正等皆非封疆才也

聖恩早經全愈臣前聞伊病篤立即差弁往視給銀五

只得將就取其長耳百兩自帶腰刀一口并參藥等物邱名揚數日之

內即漸有起色今已動履如常矣

現在提臣行營協

理諸務此實總兵之選諸將中所難得者合并陳

明伏乞

聖主睿鑒臣謹

奏

覽

同日又

奏為報明勦撫阿驢夷蠻已靖現在撤師回汛事竊
照阿驢部落糾衆截殺官兵逃往川屬阿都阿不
囉地方仍多抗拒總兵官張耀祖分兵三路川提
臣黃廷桂分兵五路各於境界內搜捕緣由經臣
具摺

奏明訖續據遊擊張世傑呈稱十一月初九日到者

呢地方搜箐有逆蠻恃險藏匿卑職率兵直入施放鎗礮打死二名活擒一名其餘滾巖逃竄初十日至特衣庫據千總羅朋差報有逆蠻數百潛過索橋卑職同哈叅將帶領弁兵追至江邊搶奪索橋逆蠻俱已逃遁過橋奔上西烏路坐藏躲卑職等占住要隘令千把等帶兵過橋攻克逆蠻大放擂石各官兵冒險爭先奮勇直上攻克西烏路坐被鎗礮打傷滾巖死者數十餘人活捉逆蠻男婦

九名口十一日追至阿姑轆壘逆蠻大敗官兵追殺鎗礮刀傷撲巖死者不計其數活捉男婦十三名口一併解交哈叅將行營據總兵官張耀祖呈稱三路官兵搜獲解到賊犯內訊得有阿驢所管賊蠻三十一名賊首拉金所管賊蠻十五名俱係截路傷害官兵之犯隨於營前斬首示衆又據叅將楊馥報稱十一月十九日率領官兵分路搜捕拉金父子捉獲大小男婦十一名口據叅將哈元

生呈報十一月二十四日派撥弁兵捕緝賊魁擒獲賊蠻男婦大小共四十一名口據遊擊卜萬年康世顯咨稱捉獲巴布一名呂呂令其引路搜至烏魯特箐內突遇倮賊與官兵對敵捉獲男婦二十五名口又搜至呢勒箐內見有倮賊聚集率領官兵扳援而上賊蠻放礮石打傷通事官兵緊圍鎗礮打死多人隨後窮追於夾箐溝內擒獲男婦九名口又於著窩呢勒箐捉獲夷倮二名遇賊蠻

拒捕我兵奮勇斬殺賊首一十三級捉獲蠻賊十
名大小男婦三十一名口賊等愿將家小留營作
當立限拏拉金即撥那窩那各部夷十名協幫訪
查於磨路區及帕膩隣近各箐內搜獲賊十九名
內將者呢夷賊鍋者等八名梟示又據叅將楊馥
呈報十一月二十六日分兵於硬你硎搜捕賊來
拒敵我兵用鎗打死六人擒獲男婦五名口守備

祿鼎

坤甚屬可嘉人若可用或以遊擊叅將題用以示
祿鼎坤拏獲大小男婦五名口又於帕膩等處搜

鼓舞

可也

獲拉金兄弟家屬千總林發正帶兵於小溜索河擒獲賊蠻二名又據遊擊張世傑稟報十二月初六日帶漢土官兵於索橋一帶沿江搜箐有逆蠻十數人各帶弓弩藏於箐內拒捕鎗傷一名活擒白窩者市二名餘滾巖逃散准川提臣黃廷桂咨稱阿驢苗蠻不法川屬阿都拖科等苗幫兵助惡已經搗巢搜勦查勾結幫兵原止阿必加樂二逆聞大兵將至鼠竄潛藏其餘無知苗夷畏懼逃匿

故議建昌鎮暫駐布特逐處招撫並密躡阿必加
樂去向今准建昌鎮咨稱責令將備派遣千把外
委同伙頭等於各山箐分頭搜尋已將阿必加樂
并阿必之子脅獻來營詢明擒縛解交鶴麗鎮收
審尚有拖科覺過未獲俟獲日另解又據張耀祖
呈稱因拉金未獲本職嚴諭滇黔漢上官兵於各
山箐逐地窮搜並飭令叅將楊馥守備馬似龍祿
鼎坤嚴比帕膩將拉金勒限早為擒獻本年十二

月二十五日據馬似龍祿鼎坤稟稱嚴飭帕膩叔姪勒獻拉金本月二十四日酉時帕膩叔姪解到拉金卑故一名古故一名者薩一名阿英一名共父子四名為此差目呈解等情據此本職隨即審訊解到拉金父子四人據供長子一名者故前被官兵拏獲現今拘禁營盤等語本職隨即提出與伊等對質果係拉金長子除嚴加禁守同應解審各犯並家屬人口不日起解發審外至於川界地

方助逆之拖科覺過今四川提督現在嚴督官兵
極力搜擒自難漏網拏獲之夷民獐子現交烏蒙
府好為安插今阿驢地方勦撫已盡無需兵力除
將滇黔漢土官兵於十二月二十八日自務都撤
師起程回汛外理合呈報各等情到臣該臣查得
阿驢猺賊傷害官兵其造謀聚衆拉金原屬首惡
今賊首者呢與阿驢土官先已解省頭人亨以夸
等及拉金之眷屬人口咸已就擒而川界助逆之

別哺加樂阿必亦經川師拏解前惟拉金未獲續
據總兵官張耀祖呈報於十二月二十四日祿鼎
坤等拏獲拉金父子等軍務已竣即於二十八日
撤師今於正月十七日已經抵省除解到拉金等
飭發按察司審擬招解并將撤師日期具疏
題報外所有勦撫阿驢事竣回師緣由合先

奏明再查烏蒙金沙江外屬滇轄者無幾經此番懲
創之後猶易控制獨川屬之苗蠻地既遼濶人更

獷悍兵至則散兵撤復聚勦之既難撫之不應故
以川提臣黃廷桂之調撥進取頗識機宜加以兩
總兵之協力諸將士之奮勇而於阿都阿不囉地
方川蠻猶敢三次刼營毫無畏懼是其天性兇頑
實同惡獸因知阿驢之變非僅哈元生之激成而
黃廷桂暫且撤兵緩拏拖科之議衆或謂非計臣
今亦獲矣獨以為此老成之見固應徐圖難以猝辦者也敬
誦臣奏前事摺內

硃批便捉拏一小土官即至如此橫逆此風豈可長也
亦不為債事欽此又於續奏摺內荷蒙

硃批朕前已有諭旨料卿必叅奏者以哈元生之任事
豈忍將此等事治罪也況朕已用伊安籠總兵矣題
到之日朕或令將功贖罪或寬免處分再斟酌有旨
欽此臣伏讀之下實不勝感切念哈元生肝膽足
用効力殊多臣前

題請由元江調補黎平協副將原欲俟古州事定請

蘇大有聞得是一出格勇將但未知料理營伍統率屬

設一鎮即懇

員之才如何便少有不而此等勇敢之人在鎮臣中

聖恩以哈元生補授該鎮總兵以資調度以資彈壓臣

亦不可少今已用鶴麗矣俟古州設鎮事定哈元生調

於諸將中愛哈元生如手足亦何敢輕棄但哈元

補之處卿可酌量總之三省鎮臣中卿斟酌其人地相

宜者或具題或摺奏請調朕酌量有旨

裁抑進以謹慎恐終無大成就故不得不附疏指

參以儆其後至於總兵之任伊必能報稱並不在

諸鎮下也合并聲明伏乞

聖主睿鑒臣謹

奏

覽

同日又

奏為

奏明事雍正六年十二月二十日承准和碩怡親王
大學士公馬爾賽大學士張廷玉蔣廷錫寄字內
開雍正六年十一月初六日奉

上諭據田峻奏稱八達寨苗獍勦撫事竣其中擒獲把

事漢姦現今拘禁西林州等語朕思苗獠本屬蠢然無知其肆惡抗橫擾害地方之處俱係漢姦從中勾引此等姦人平日為匪犯法本籍無所容身是以逃至苗獠窟穴生事把持多方煽誘以致抗法害民其情罪甚屬可惡何以向來勦撫苗寨未聞拏獲漢姦嚴行究治者今八達寨把事漢姦未必止此數人而從前烏蒙鎮雄諸處亦必有漢姦煽引等情爾等密行寄信與鄂爾泰可留心訪察嚴拏究訊勿使漏網

欽此遵

旨寄信前來總督即遵奉辦理可也等因到臣該臣查得烏蒙鎮雄叛案內有劉建隆王之瑜畢君廷俱係漢姦謀克烏鎮二土府之主文生員范紹淹鑽克鎮雄掌案縱容夷目刦殺為害地方及至提審即勾通逼脅預謀拒敵官兵當經拏獲審擬具題劉建隆王之瑜范紹淹奉

旨正法畢君廷因未共謀拒敵部覆行令遣戍此外並

無另有漢姦貴州長寨頑苗謀拒官兵一案內有
川棍李奇楊世臣汪子謙等及貴州武舉厲紹遠
州役黃應甲均係漢姦為川販護符為兇苗主謀
俱經

題請處決訖其鎮沅茶山等處夷民蠢動皆惡目土
舍倡謀號召查無漢姦在內煽惑勾引凱里丹江
等處已拏獲販棍數名並姦細一名臣業經發審
並嚴飭查拏至廣西八達寨擒獲之把事漢姦查

把事名色即係猥褻管事頭人早經發審其所有
漢姦臣前並未據報現在行查並留心察訪務當
嚴拏究訊斷不使伊漏網所有烏蒙鎮雄諸處原
有漢姦已獲正法緣由相應

奏明伏乞

聖主睿鑒臣謹

奏

知道了漢姦甚為可惡當嚴究緝者

雍正七年二月二十四日雲貴廣西總督臣鄂爾

泰謹

奏為恭謝

聖恩事雍正七年二月初五日臣齋摺家奴蒙

恩賞銀十兩馳驛齎奉

欽賜臣錦絲盒盛

上御寶帶一圍又黃匣一箇內洋漆盒盛

御用團圓餅滿器並瑪瑙盒硯瑪瑙瑞芝法瑯鼻煙壺

各一鎮紙火鐮包各二共八件又

元旦令節

御宴珍食二匣鹿舌鹿尾鹿肉共一簍

養心殿製爐二座人參十觔藕粉十包哈密瓜二圓

蜜橘蜜柑共一簍回滇臣隨郊迎至署恭設香案

望

闕叩頭謝

恩祇領訖復據家奴口傳奉內裏大人面諭這餅是中

秋圓月的

皇上元旦日在宮內同用這團圓餅特留出一塊賞總
督等語臣敬聆之餘聲淚俱咽神魂靡寧謹率同
臣妻並臣子鄂容鄂實鄂案鄂寧鄂宓等合家叩
首均勻分食竊謂都俞喜起實不足以為喻家人
父子猶無可以比倫此即負心賊子聞之亦應感
泣況臣天性具存良心未昧自問何人是誠何以
當此及敬啓摺扣跪誦

殊批言言訓勵字字矜憐不敢卒讀不能仰視念臣爾

秦叨荷

殊恩至矣盡矣此生此世即欲圖萬一之報知必不能
天地神明是鑒是察生逢

堯舜有不勉學臯夔而僅以漢唐諸臣自處是已暴棄
之甚者倘並漢唐諸臣之弗如其何以自甘然心
勿敢懈才不能堪終恐無補封疆負我

慈父為天下後世笑是則臣之所日夜悚惕難以自安

者也念輒驚心言輒淚下感頌之詞並不能著一語

欽賜寶帶惟當敬謹祕藏為臣家世寶亦並不敢具本謝

思謹此繕摺差臣家奴齎

奏恭謝

聖恩伏乞

聖主睿鑒臣謹

欽定四庫全書

奏

覽卿奏謝至誠肫摯朕動容嘉悅覽焉

同日又

奏為恭謝

聖恩事竊臣家奴回滇口述正月初八日內裏大人傳
旨你到怡親王處去有交給你的事情如今日交給你

你明日就起身奴才隨於初九日赴府蒙王爺面

諭

皇上賞總督內庫銀四萬兩你回去說知著來請領欽
奉此臣敬聞之下不勝懼忤不勝激切伏念臣自
蒙

聖恩拔置大任計六年以來所應得養廉何止十萬即
用度之外存留多餘以置立田產非力有不能獨
以公事未畢未敢計及家私是以至今京中臣並
無房屋並無莊田除隨任家口外亦並無一家人
在京昨歲魚理撫篆多得養廉銀九千兩除添用

去賞號尚有六千餘兩臣曾用七百兩贖出舊典
老屋再添數百兩拆造裝修為臣祖父改置祠堂
並用九百餘兩再於墳園立碑三通以表祖父墓
道仍存三千餘兩現貯司庫備公擬俟祠碑事竣
然後可及房產以立家園原非敢矯情實不敢悖
理也況託賴

聖主仁威諸事就緒總督養廉歲計有餘即臣自謀生
理已甚屬充裕且臣天性儉約不事浮華除衣馬

犒勞原不敢苟簡以損大吏體統此外則別無枉費至臣妻在署衣服不過紬絹並無首飾釵釧等物至今如常感

恩遇之過隆痛父母之不逮實不忍令妻子輩受享奢靡以重臣罔極之悲也茲復蒙

特恩賞臣內庫銀四萬兩仰窺

聖慈神愴氣咽計屋舍田園兒女婚嫁即終臣之身下及孫子皆可從容富饒即屬庸人亦毋須別營私

索以自玷身名矣

憐愛之深衷

成全之至意感極無言祇領何辭但臣京中既無家業
又無家人即欲置房產一時亦難妥當仰懇

聖恩或准於滇庫餘銀內暫且動撥臣當陸續支領除
置買田房外餘留備臣需用庶不至虛糜

聖賜而有忝

殊榮矣除啓覆怡親王候文遵照外謹繕摺具

奏恭謝

聖恩伏乞

睿鑒施行臣謹

奏

好已面諭怡親王矣王自有料理說與七斌來

同日又

奏為據實陳明仰祈

慈鑒事竊臣恭報祥雲一摺荷蒙

硃批歲前冬初聞卿每患脇痛少覺氣弱朕思此皆憂思之所致朕至不忍有諭慰問蓋以諺語云心病還須心藥醫若邀

上天慈恩

聖祖賜佑各處軍役就緒時我鄂爾泰自然全愈非目下空言慰問所能解者所以忍而未頒諭問今

天

祖慈佑三處俱陸續報捷又覩此罕遇之嘉瑞想卿必然

心怡神暢諸微疾得全愈矣目下卿體如何去冬不爽時如何光景可據實奏朕莫隱凡人能一念專誠聚精會神勤勞二字實不妨然憂心焦思則萬萬不可且亦於事無濟當切戒之況世情冷暖人事參差明天理達人情者有幾只可盡一己之心以對越

上天則修齊治平之道俱備於中矣其他入海算沙之類又何足與較凡事當酌量精神體察能否不可任力不能勝之事不可費思所不及之心夜眠若稍覺不

靜日食若少有不美則當慎節而不可勉強從事也
可必遵朕諭行欽此臣跪諷之下感痛失聲及今二
十日每一捧誦猶不禁淚墮盈襟莫能自解也念

臣爾泰受

恩深重報稱實難惟期矢此血誠以自免背負世情人
事原非所敢知雖身本羸瘦然精神自強並未敢
以物慾縈心亦何來有疾病櫻體緣去歲秋冬諸
務叢脞哈元生失事於川蠻橄欖壩犯順於慢礫

八達兇獍屢挫官兵丹江逆苗肆行抗拒臣每接稟報自慚疎庸自思罪過輒中夜坐起不敢安寢凡一應軍前文書隨到隨投立即批發不敢少遲時刻而浮議紛騰造言雜錯雖明知為誑言或竊恐為實事心力交迫眠食不遑迨十月初左肋下隱疼漸及胃脘腔內聞血腥心氣微覺下陷時不能見官視事卧榻者僅三日續靜息調攝亦漸次痊可及

萬壽令節五色雲現後各路官軍紛馳報捷臣不勝慶
幸踴躍忘疲旬日之內遂已全愈今且精神加旺
餐飯增強較未病時更覺壯健矣此

天恩之下逮實

聖心之上通稠人蒙福而不知微臣當身而自省竊謂
知慎節戒憂焦此病藥也明天理達人情此心醫
也伏讀倍加敬畏之心一念專誠聚精會神之

諭覺於心病得醫心之藥並於心醫得醫心不病之藥

其入海算沙之類不但不忍與較正恐稍自墮落
即與於入海算沙之數更為人所不足與較者也
臣雖鈍根敢不奮勉至

訓諭諄諄令不可任力不能勝之事不可費思所不及
之心夜眠不靜日食不美則不可勉強從事雖慈
父之憐弱子無以加此臣復讀至不忍有諭慰問
句我鄂爾泰自然全愈句忽念臣父母復不禁感
痛失聲無以自解也夫勞逸不在形骸疾病無關

性命忘身而身存廢心而任事臣必當時時儆惕
自愛自重懇祈

聖慈毋為萬里遠臣慮也緣奉

垂詢用敢瑣屑備陳伏乞

聖主睿鑒臣謹

奏

覽卿更覺壯健之奏心怡神暢實慰朕懷朕揆

天理人情所見不謬矣何慶如之

同日又

奏為奏

聞事竊照滇省橄欖壩逆夷不法調遣官兵進剿大局
已定止猛腊一版納尚未平復緣由經臣節次

奏明在案續據遊擊徐成正稟報奉令帶兵進剿猛
腊先令各版納前往招安正月初八日行抵猛半
地方差探猛腊已於險要關口打木城二道用數
百人把守卑職率領官兵進頭道木城劄營示以

攻取刀正彥之子名糯隨即遣人投見情願歸順
卑職單騎直入開諭招安當招出橄欖壩百姓二
百一十三名口小頭人四名押赴提督行營聽候
安插并責令各糯同各版納往招各賊首據遊擊
施善元稟稱帶官兵前往猛籠過籠得壩招出各
寨逃避夷民一百九十六名口緣係蟒界恐蟒國
夷民懼怕逃躲隨遣叭先帶能事頭目土兵往整
亢漫牛等處誘撫正月初九日據叭先回稟橄欖

壩擺夷共來八寨今先令七人前來投誠餘俟陸續方能到齊賊目俱分散逃躲分遣誘擒有九龍江頭目具緬文知會宣慰刀金寶云猛拏叻慙已差人拏獲賊首叻瞻叻素宰雅三犯現在差人往探虛實據楚姚鎮總兵官張應宗呈稱自正月十七日起至二十三日止又招出各寨夷民一百戶共男婦七百五十二名口俱交宣諭刀金寶各安住牧又據徐成正稟報名糯同各版納在蟒國地

方招出橄欖壩流夷四百一十三名口卑職在猛
腊又招出二百八十名口俱押赴張總鎮行營安
插再被阻外域之元江目兵康天錫等并客人六
名夷目二名今於正月二十七日老撾國差叭目
二名先目四名土兵五十名護送同來回來到職營
並據康天錫稟稱老撾來目說備象二條情願歸
入內地未知確否等情臣查橄欖壩夷民歸誠復
業者已萬餘人賊首叭瞻等三名既據報獲其餘

一二犯定難漏網至於遠服外域備極恭順此實
我

聖主至德深仁化被誠通之所致臣已隨差齎蟒錦綬
紬布疋等項去賞老撾來人願歸之說聽其自便
並令不必言及其應安設文武流官等事提臣郝
玉麟於二月初九日到省臣已與面加商酌現在
詳慎定議分疏具

題又開闢貴州生苗地界事已就緒惟地廣人衆諸

凡善後圖維務須詳加布置臣亦節次

奏明茲據遊擊史應貴稟報伊等在雞講營盤宰牛
款諭大小各寨苗人明誓飲血埋石為記據稱情
願永作良民每年上納錢糧再不敢作歹違抗據
叅將趙文英知縣魯朝聘稟報伊等在八寨行營
正月初八等日有里條乜告烏達楊烏擺桌番扛
竹留等寨頭人赴營上納條銀坵固排卡擺牌等
寨頭人赴營就撫割具木刻認納錢糧據鎮遠府

知府方顯呈報又招撫得清水江柳受柳利二寨
生苗計一百九十二戶楊遼番招等寨計七百六
十戶等情是生苗前已畏威漸且向化設鎮安營
建官劃界等事人又頗以為較易而不知愈應作
難事觀臣抵黔時即與撫臣張廣泗面商熟籌務
當凜體

聖訓詳慎料理以圖永遠安帖可也又安順一帶前所
化生苗應勘明界址收納錢糧臣先委副將劉成

謨知府朱齊年何經文等前往辦理今據稟報公
同分勘界址陸續收過生苗糧銀已三百二十六
寨深山窮谷恃險負固之生苗無不紛紛向化實
有忻美良民之心近又化出生苗二百四十七寨
尚有二十餘寨不出投順隨伴作進剿之勢再遣
人化誨各寨生苗現俱歸誠願預納雍正七年錢
糧職等一遵指示到處獎賞科賦從輕生苗懽幸
現已直達粵界等情臣查安順定廣鎮寧永寧永

豐等府州凡與粵接壤皆係無管生苗近一年以來並無刦殺案件是亦歸化之驗應俟勘明界址分歸各州縣營汛管轄即當另行

題報以上三件實係滇黔兩省極邊要務所有續報情事合再一併奏

聞伏乞

聖主睿鑒臣謹

奏

欣悅覽焉皆賴卿忠誠任事之所致者宣示廷臣無不歡欣慶幸但此歸化生苗人數衆多地方遼濶善後事且最為切要卿奏云人頗以為較易而不知愈應作難事觀此論甚是朕復有何諭也即此一念辦理未有不妥協者可與張廣泗悉心料理奏聞

同日又

奏為

奏明事竊照地方水利攸係民生而在滇尤屬急務

臣自受事以後即檄行各屬凡有河道俱查明詳報以憑次第疏濬嗣聞嵩明州之楊林海又名嘉麗澤自東至西廣二十餘里自北至南廣十五六里一納東北龍巨河水來源一納西南南沖河源餘皆山溪小水積聚成塘合流出於河口歸車紅江水口甚低原易洩瀉緣河灣迂迴曲折不能直瀉以致四散汪洋又藥靈山下有石子流沙衝入河口壅塞咽喉去水太緩故海邊四十八村已成

田畝每年多被淹沒為害實甚臣細加採訪此海水原不大深若改疏河道由丁家屯開挖里許直達龍喜村面前再開里許直抵河口使新舊兩河并瀉水勢即可暢流不惟已成田畝可免水滯而週圍五十餘里草塘均可開墾所費無多為利甚溥前督臣高其倬曾據紳士呈請亦經委官踏看因應開河身之處不無成熟民田時被該地衿棍阻撓遂爾中止臣因一面出示明白曉諭并行布

政司委員查勘估計工費并查補償田價共該若干造冊具詳續據該司詳稱委員丈核所費田畝里數酌定人工於雍正六年正月十六日祀土興工隨據四十八村里民咸稱情願幫工莫不踴躍從事乃有龍喜村之官華等仍逞故智妄行抗拒經臣批飭將為首之官華楊國英二犯枷示河干限完工日釋放自此里民得以併力不數月而報竣茲據嵩明州知州安鼎和稟稱修濬工畢水勢

直達河口前之迂迴曲折者今則順流而下前之泥沙淤塞者今則通達無滯水得所趨而沿海田地漸涸卑職履畝查勘共清出中則田四百一十畝下則田一千七百零七畝中則地一千一百畝下則地六千九百五十畝二共一萬零一百六十七畝共科秋糧米麥一百八十四石九斗九升零科徵條編銀九十二兩五錢一分二釐零仍給本主輸價領給遵照永遠管業於雍正七年起陞科

納賦等情臣於赴黔之便更經臨河親勘沿海居民莫不懽幸是舊有田畝可永免水患而新出田畝亦少為民利矣又查自滇至粵原有河道雖因盤灘險阻不能直達省會然自臨安府屬之阿迷州有燕磁硐河流一道可直達大河自燕磁硐疏鑿可以通八達汎而臨安屬之箇舊金釵坡等銅廠離燕磁硐不過百里餘自省城水路抵晉寧起岸至彼亦不過三百里既與廠地相近運發銅觔

甚易又離鑄局不遠盤運錢文復可省腳價似此
便宜水道所應急為開修者也臣早行令各州縣
造麻陽鰵船數隻先為試演併令糧道發銀交給
委員前往興工並令沿河州縣官照界分辦其自
八達至黃土一帶河路咨會廣西撫臣委員會勘
務期開通一俟告竣則阿迷至粵可以安穩行舟
往來商賈有千百年之便利矣又雲南府之滇池
海口及金汁等六河并各處堤岸壩閘必疏濬深

通修築堅固庶足資灌溉從前雖有歲修要皆潦
草應事坍塌淤塞率以為常臣於上年冬繪圖為
說檄行雲南糧道遴委河員公同地方官查看議
修嗣據該道黃士傑親勘詳覆昆明之滇池為呈
貢晉寧昆陽等四州縣衆水匯聚之區而海口大
河又為洩瀉池水之要道沿海各州縣田畝每患
海水漫溢全賴此河洩瀉稍有淤塞則沿海田畝
輒遭淹沒今親歷河干細閱形勢勘得大河南北

兩面俱山皆有箐水入河每至五六月間雨水暴漲沙石併流衝入大河而受水處河身平行易於壅淤如北面有白塔箐龍箐二水合流洩入大河名耳宗間壅淤之患猶小若南面則有瓦泥箐邢家園二水屬呈貢縣轄名普安間有羅武箐一水屬晉寧州轄名清水間有天自箐芭蕉箐二水屬昆明縣轄名新村大閘皆直瀉入河中每年疏濬於農隙之時即壅塞於雨水之後不它則淹沒

堪虞開它則人工徒費四邑沿海人民重累難堪
茲查大河下流水勢漸陡至石龍壩奔流跌注入
安寧州大河再勘得南面之平定哨一閘係雲龍
箐水歸入大河之道正值水陡流急之處本道相
度地勢諮詢輿情咸稱南面宜開一子河引普安
清水新村等閘之水同至平定哨閘入河則泥沙
石子不能停住一勞可以永逸但兩畔俱有成熟
地土今議另開子河其應挖去地畝應給價值或

查欺隱抵補其所用人夫仍照例於四州縣派用
添給口糧而各州縣人民皆歡欣趨事現在督工
修濬等情若此子河開成則昆明等四州縣可永
無水患而實獲水利矣以上三件除楊林海業已
工竣滇池海口通粵河路現已興工所費錢糧核
計不過萬餘金即以開河漲出田畝變價克用或
有不敷騰那甚易總不須動支正項並不須開銷
贏餘理合一併

奏明伏乞

聖主睿鑒臣謹

奏

有何可諭可謂超羣拔類之辦理為從來封疆大臣未
舉之善政也朕為滇南赤子曷勝慶幸凡此等有利於
地方民生之事若有應動正項者只管奏請不可瞻顧
竭蹶從事

同日又

奏為覆

奏事竊臣請將雲南按察使元展成調補廣西按察使摺內荷奉

硃批元展成光景是一大人物人人言好二人互調甚合朕意已有旨矣路途遙遠且不必令來引見著赴新任料理一二年再著來見朕又

批著他奏摺來人令到怡親王處轉奏朕隨事批諭訓勉之料伊必能領會也欽此欽遵臣即傳元展成赴

臣衙門密宣著他奏摺令到怡親王處轉奏

諭旨元展成跪聆之下感激涕零據稱誓竭駑駘始終弗渝以期仰報

聖恩於萬一比值部咨亦已到滇臣隨令其將經管之銅廠錢局事務以及發運銅觔查明交代速赴新任一面與撫臣沈廷正會檄布政使張允隨署理臬篆去後茲據元展成呈報銅廠錢局諸務俱已造冊移交糧道黃士傑管理並無絲毫虧空發運

吳楚粵西三省銅觔除銅本水陸脚價官役盤費等項尚應有節省獲息銀共約二萬餘兩分析造冊送臣備案俟銅價到齊悉行歸公元展成梟篆已交即於二月二十四日起程前赴廣西新任等情臣看元展成心地才具皆可以有為若復得邀聖訓識力日增將來大有成就至雲貴兩省屬員內如曲靖府知府劉斌威寧府知府吳士鯤開化府同知楊正輔陸涼州知州祖良範楚雄縣現報丁憂

知縣李文炯俱係年力精壯兼有才幹實心任事之員以之陞調廣西皆可資料理除祖良範明白勤慎於應安撫之地相宜臣已遵

旨請補泗城府知府其廣西最要府州等缺如現任守牧或人地不甚相宜臣自當據實

是

奏請酌量調用惟是知人甚難無可自信即如黃炳其向來行止居官穢聲臣並非無所知聞因伊在滇數月時與晤談見其多改過之言有上進之意

更以伊父子俱受

殊恩斷不至良心復昧遂致為其所蔽仍謬冀其可用
從上觀人原易朕當年藩邸如門下人知之甚確凡所

及接奉

旁觀者自覺不甚明切如今日若以卿之三省屬員論
批示臣已自知大誤續閱邸鈔見黃炳諸事敗露各有
朕所知自然不及卿知者為更切若同寅大臣他省官

指實竊自傲自責深愧不足而欽服我

僚卿所知自然不能及朕也其不敢輕信人一句乃用
皇上如日之明無心燭照而自無遁形臣隨事觀人勉

人第一妙訣朕從來不知疑人亦無不信人可信者乃

學萬一似亦覺更有進境嗣後凡於三省屬員臣

伊自取信可疑者乃伊自取疑賞罰亦然總與朕無涉
務求深知灼見以分別其誠欺斷不敢輕信人輕

朕不橫意見於中以為此人必信此人必疑也朕此一
著凡有統率之責者皆當法之然非如卿公正存心屏
奏伏乞除私障者恐欲法而未能也此諭朕每向諸王大臣訓
聖主睿鑒臣謹識之奏

同日又

奏為遵

旨酌覆事據雲南撫臣沈廷正前具摺

奏請將知府直隸州承審本府本州地方命盜等項

案件令解赴該管道員衙門覆審屬藩司者移解
藩司屬臬司者移解臬司審明轉解督撫等因荷
蒙

硃批沈廷正此奏卿酌量行之欽此欽遵該臣查得守
巡二道雖分司盤查屬府倉庫督催刑名事件原
無承審之責親轄地方之知府與直隸知州凡有
欽部命盜重案俱係自行審招徑解藩臬二司勘轉歷
來已久如訊供不確擬罪不當情關重大者兩司

駁行覆勘無甚關係者照例為之改正設藩臬所
審不公或依樣轉詳尚有督撫核審指駁未嘗不
其詳其慎即如發審重案或轉發府審由司勘轉
或兩司自審或招解赴督撫審

題各省皆然若謂少一核轉衙門事便草率焉知不
多一核轉衙門事反拖延總之定罪之允當與否
全在督撫藩臬揆厥情理秉公推鞠則刑獄自無
冤抑倘大吏不能明察苟且了事不特添一核轉

衙門終為無益即委員調審亦不過虛應故事緣
案件完結處不但不在府州並亦不全在藩臬也
且各省道員不與藩臬同城駐劄者居多督撫又
不時有差委之事若將

欽部命盜重案俱責令審轉人犯必多守候拖累之苦
而道員與藩臬又俱平行設呼應不靈必致愈多
遲滯據臣酌量撫臣沈廷正所請將知府直隸州
本府本州案件解赴道員覆審之處似可不必行

惟是道員既有督催之任則所屬府州縣無論事
之大小係通詳者俱應並詳該管道員聽候批示
庶以便查核臣查近來府州縣官初報命盜案則
詳道官後有案中續詳之事止詳府司及府州審
招亦不並詳該道而該道每避攬事之嫌亦率多
置之不問比至遇易結不結之件道官限於條例
同受處分殊屬未協臣於雲貴兩省業經面諭司
道囑令照行獨以未有定例事難畫一臣請嗣後

凡應道員督催督緝事件屬員有詳臬司之文概令並詳該管道員及成招解司時並將全招詳送該道倘有無故遲延承緝不力許其按限勒催罪名不合許其指摘詳揭庶事有專責而執掌亦不致廢弛矣謹此議覆伏乞

聖主採擇施行再沈廷正於二月初一日到任視事臣將滇省一切事宜詳細告知聽伊料理隨於本月十八日自滇起程前赴貴陽先辦黔件候金鉞到

日再商論粵事合併陳明臣謹

奏

是其應行處應題請者可具本題奏

雍正七年四月十五日雲貴廣西總督臣鄂爾泰

謹

奏恭請

皇上聖安

朕躬甚安好今歲飲食肌肉更覺增長健旺卿好麼

欽定四庫全書

硃批諭旨

卷一百二十五之十

同日又

奏為恭謝

聖恩事雍正七年三月二十三日臣齋摺家奴蒙

恩賞銀十兩馳驛齎回

御賜臣

御服銀鼠袍褂二件果乾五種共一匣乳餅教爾布哈
四種共一匣抵貴陽臣隨郊迎至公館恭設香案
望

闕叩頭謝

覽卿奏謝矣

恩祇領訖敬啓摺扣遍誦

硃批仰見我

皇上用人行政恤兵憂民及一切方畧一應施措莫不
一本於至誠一出於至敬祥垂

天象聞喜若驚瑞現地靈披圖彌畏撫綏征伐有事而無
心和豫豐亨籌先而慮後此誠

上聖之心傳萬年之政要臣愚管窺實無可名言惟有

凜體

聖訓勤宣

聖德俾文武同官以及邊遠微末咸知身際

隆遇千載一時不甘自暴自棄各勉作完人是臣之所
以盡職即臣之所以報

國也今歲滇黔二省晴雨以時春熟加倍粵西去冬
大雪今春雨足據金鉞面告並詢來往官弁皆稱
十分收成除俟該司等彙報到日另摺

奏報外合先陳明為此繕摺恭謝

聖恩伏乞

聖主睿鑒臣謹

奏

欣悅以手加額覽焉

同日又

奏為奏

聞事雍正七年四月初十日據雲南廣南府知府賈秉

臣廣南營參將馮鸞稟稱本年三月初七日自午至酉見日旁五彩旋繞如環上戴一環下承一環三環相扣色皆五彩環外霞光萬道光之外又有五色彩雲擁護光華耀目五色繽紛卑職等逢此上瑞不勝踴躍理合繪圖稟明等因到臣臣查文獻通考及天文志言氣在日上者為戴戴者德也國有喜也占曰人君德至於天則有戴戴者推戴福佑之象又曰氣在日下者為承承者臣承君也

名曰承福人主有吉喜且得地有不戰而降者又
曰日暈五色有喜等語竊思戴與承及五色皆係
分占未有有戴有承三環相扣環外五彩霞光光
外五色雲擁如今日現於廣南府者臣淺見寡聞
未識主何瑞應敬遵雲物必書之義依照原圖繪
呈

御覽伏乞

聖主睿鑒

諭示施行臣謹

奏

上天垂賜昭祥照例題奏可也

同日又

奏為覆

奏事竊照貴州布政使鄂彌達摺稱黔省田土報墾
寥寥隱匿自多應將曠闕多者先為清丈如實在
曠闕者招佃給本開墾如已舉首及已報墾而為

官吏侵蝕分肥者即為叅革究擬如係豪強地棍
侵占者嚴拏治罪等情奉

硃批清丈之說萬不可輕舉與督撫詳悉斟酌看汝此
奏甚屬孟浪汝不諳外任事事不可如此任意亂行
當著實與有識見歷練人商酌慎重比不得旗下部
院中事也欽此又一摺內稱黔省有官莊學租一項
額徵米三千九百三十六石九斗五升零內除支
給鋪兵米一千九百三十九石三斗餘作賑濟寒

生窮民報銷其實悉為各衙門官役食用署撫臣
石禮哈

奏明變價歸公分給各官養廉前司祖秉圭以職官
不便分沾貧民之食定議各衙門人役支給食米
外省城貧民寒生歲支米六百石各府州縣支貧
民米一十一石四斗寒生米五石今查生員之內
貧富不等應令各教官查明實在極貧者取結撥
給孤貧一項確查建有養濟院房屋在內居住之

孤貧照人數支給各衙門人役停其支食各屬罪
犯解省覆審俱是沿途求乞應每名日給米八合
餘米變價解司買米存貯平糶等情奉

硃批此詳督撫之事汝如何如此自立得主意將此二
摺硃批與督撫看欽此前經鄂彌達敬錄齎示臣隨
細看原摺伏讀

硃批當經札商前撫臣沈廷正茲復與撫臣張廣泗面
商籌畫飭令鄂彌達轉行遵照外該臣查得黔省

田土向來原有荒蕪邇年人煙漸廣陸續首報開墾已多今臣赴黔目覩高低山坡俱已開挖成田大道兩旁空土亦俱耕犁種植若以捐納銀兩再招民開闢將來自無曠土惟是民間成熟田地自吳逆變亂以後多有隱占不清又有詭寄隔府隔屬之弊遞年閃躲遂致錢糧無從追納姦頑每享無賦之產額徵數目尚多虛懸是欲清田畝必先清地界凡各屬之雜錯寫遠地方俱令就近歸糧

人隨土轄將縱有詭寄而稽查較易矣至於清丈之說固萬不可輕舉即先丈曠闕數多之州縣仍係清丈亦未便舉行莫若寓丈量之法於聽訟之中除剗切勸諭令其自行首報照例陞科外其凡有爭告田土者即委履畝勘丈實者按律虛者反坐並但查額荒不查新熟若荒無著落即熟係欺隱再將實在欺隱訪聞的確者偶一摘丈懲一儆百庶良民無擾姦民無辭而賦課亦可以漸增矣

其官莊學租米石若將寒生孤貧通行查報撥給
無論是虛是實人多米少萬不能遍賑不如仍就
所見照舊薄施至罪人在監在途報故者甚多名
為病故實多疲斃在州縣官未必盡屬無良而無
米之炊亦殊難措辦所有此項米石除支給舖兵
鳴贊生口糧及照前分賑省城各府州縣寒生窮
民外餘米應留充囚糧獄食并照前署撫臣石禮
哈原議歸公似均有實際合併覆

奏伏乞

聖主睿鑒

批示遵行臣謹

奏

是卿酌量為之丈量之說朕言其不可輕舉未言其必不可行也恐鄂彌達孟浪不達因有此論況如四川通省現俱清丈行之得宜何妨乎

同日又

奏為奏

聞事竊臣於二月十八日自滇起程赴黔沿途查看營
伍考驗將弁於三月初七日始抵貴陽隨與撫臣
張廣泗商酌苗疆事宜並定議黔省一切事件至
本月二十六日粵撫臣金鉞到黔臣等遵

旨會商粵省諸務據金鉞凡於地方文武兵民等事俱
曾留心伊單開各件將情形原委詳細商問臣皆
實據所見直言可否聽其斟酌伊無不首肯喜形

於色並有照如此辦理廣西事一年內皆可就緒
我不但不敢負

聖恩亦並不忍令總督再分心費力等語隨於四月初

八日自貴陽起程去訖臣看得金鉅肝膽血氣人

也心地坦白才具明爽實心實力事不辭難以臣

若非

出格之資朕豈肯以知府之職半載而用巡撫也

此人

味經一以薦舉乃朕特用者但恐自恃志高今卿

奏未

言及此深為欣悅若不無錯漏臣已開誠規勸謂施

謏易妥當難勇往易堅定難鹵莽非所以酬一好封

疆大_{臣地}恩謹_斯可以濟事伊慨然允諾自知不足大材難得

如金鉞者臣實愛敬之願其更加精進也至臣報

明丹江摺內荷蒙

硃批張廣泗此番親往安撫當著實詳慎朕意若多帶
兵役恐新撫者疑畏少則苗獠之性又未可深信也
與張廣泗悉心籌畫為之諒卿未有不念及此者特
將朕意諭來若可令屬員代往似覺更妥何必又多
此撫臣親往之名也若有必應親往之情仍多帶兵

役隨從為是欽此臣按八寨丹江雞講清水九股八萬等處前後陸續歸誠者雖已八九萬丁口然苗獠之性未可深信實有如

聖諭倘開導安慰稽察防範等事少有未協恐不能保無後患況古州一帶地方遼濶必查勘的確始可定議又過江深險之地如公鵝雞擺尾數寨尚在抗拒緣公鵝雞江較近恐開通之後不能肆惡隨勾結雞擺尾大寨以為黨援初雞擺尾本欲出投

不肯助惡後為湖廣漢姦曾文登煽惑遂與合榔
近與官兵對敵被官兵殺傷雞擺尾八人內有該
頭人之子該頭人深恨為漢姦所誤隨將曾文登
妻子舉家盡行屠戮從此不助公鵝是公鵝寨賊
勢已孤無能再抗若不乘此勦滅公鵝招撫雞擺
尾恐黔楚船路終有阻礙事關重大何敢不熟慮
查屬員內並無可以代往之員是以囑令張廣泗
好原令卿酌量者親往駐劄柳羅地方調度並不必深入除軍前官

兵原有數千又添撥六百名隨從張廣泗於三月
二十七日自省起行昨據來札已過丹江雞講沿
路就撫生苗懽忻接送毫無畏疑計日今已抵柳
羅矣在張廣泗自能幹濟臣復現駐貴陽以作聲
勢料不過五月內即可以竣事至於新闢苗疆合
計長廣約抵黔省之半非設一重鎮添兵數千不
前數次旨諭甚明糜費錢糧一句總不必繫念只向妥
足以資彈壓糜費錢糧臣亦不敢顧慮除勦撫情
協處辦理日久相安平靜無事時次第議裁亦可萬不
形合先會疏

可將就設事

題報所有安設事宜俟臣與張廣泗悉心籌畫再請

旨定奪合并奏

聞伏乞

聖主睿鑒臣謹

奏

覽

同日又

奏為欽奉

聖諭事竊逆賊曾靜詆毀

天朝誣謗

聖躬敢於天理絕滅計欲搖惑人心自投法網神實使之茲蒙

頒示鈔錄

上諭一道共五十二頁復蒙

硃批此因逆犯曾靜之諭朕欲遍示天下錄來與卿看俟各犯至京審明尚有諭旨欽此臣敬誦數四不

勝憤恨不勝激切仰惟我

皇上至孝至仁至誠至敬憂勤惕厲旰食宵衣蓋七年
以來如一日雖生殺予奪事各有不同而威惠寬
嚴行歸於一是此無論在廷諸臣之所深知外省
官吏之所共悉即凡非盲瞶亦誰不見聞且古稱
聖君哲后載在史冊者固屈指可數矣其德性事
功及一切文章禮樂比我

列祖較諸

聖躬有過之無有不及即滿洲臣僚內無知無恥無殊
異類者固不乏人其凡敦倫明理自省自立期於
不愧不忤者律以漢唐諸臣亦誰甘不如乃逆賊
曾靜捏造浮詞恣意狂悖暗布匪黨聳動大臣其
所以能如此得如此者臣以為其事有漸其來有
因如誣謗

聖躬諸事若非由內而外由滿而漢誰能以影響全無
之言據為可信此阿其那塞思黑等之本意為逆

賊曾靜之本說也如詆毀

天朝等語則江湖惡類山野狂愚不識天日者皆能造
偽說而不至若此之甚此懷疑貳蓄怨望諸漢人
等之隱意為逆賊曾靜之藉口也今

國家一統垂八十餘年

聖聖相承教養備至而漢人之心思終不能一視滿洲之

人物猶未能爭光每一念及嘆息流涕耳臣竊有餘恨伏念人

與禽獸介於幾希麒麟鳳凰禽獸也而人不如傲

象盜跖人也而禽獸不如天不能生人而不生禽
獸又不能不生禽獸中之惡禽獸更不能不生如
禽獸甚於禽獸之人天亦不可奈何不能奈何即
還以問之天應亦無辭如逆賊曾靜者實甚於禽
獸之人禽獸中之惡禽獸乃捏造逆書誣嫚狂悖
此固聞者見者莫不痛心疾首髮豎皆裂者也茲

捧讀

此事朕實為笑具辦理

上諭坦然惻然自問自慊不為一曾靜而為百千億萬

人遍示臣民布告中外自非

大光明大智慧無我無人惟中惟正固未有能幾此者

天下萬世各有本心

天地神明實鑒實佑臣無復多言謹繕摺覆陳伏乞

聖主睿鑒臣謹

奏

為朕放心絲毫不必憤悶遇此怪物自有一番奇料理
卿可聽之



硃批論旨卷一百二十五之十